




Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Science, Higher Education and Youth

Broj: 27/03-11-24087/23  
Sarajevo, 26.6.2023.godine

**UNIVERZITET U SARAJEVU**  
Obala Kulina bana 7/II  
71 000 S A R A J E V O



**PREDMET:** Podaci, *traže se*

Poštovani,

Ministarstvo za nauku, visoko obrazovanje i mlade Kantona Sarajevo od Udruženja porodica sa troje i više djece "Porodice tri plus" zaprimilo je predmet "Prijedlog mjera za oslobađanje troškova studiranja djece koja imaju status studenta na Univerzitetu u Sarajevu, a koja dolaze iz porodica s troje ili više djece".

Kako bi ovaj navedeni Prijedlog mjera bio razmatran od strane Vlade Kantona Sarajevo, potrebno je da nam dostavite sljedeće podatke:

- Tačan broj studenata po članicama Univerziteta koji dolaze iz porodica na koje se Prijedlog odnosi;
- Ciklus studiranja, godina studija, status studenta;
- Državljanstvo studenta i mjesto prebivališta;
- Tačan iznos školarina koje bi ovi studenti bili oslobođeni ukoliko predložena mjera bude usvojena. Prilikom izračuna ovih podataka molimo da dostavite odvojeno podatke o troškovima školarine za svako dijete prema navedenom prijedlogu Udruženja.

Tražene podatke je potrebno **dostaviti po završetku upisa studenata** u akademsku 2023./2024. godinu:

Također, koristimo se prilikom da zatražimo podatak o tačnom iznosu školarina prema planiranoj kvoti upisa studenata (status: redovni samofinansirajući, vanredni i DL) koji će biti prvi put upisani u prvu godinu prvog ciklusa i integriranog studija i drugog ciklusa studija i to na sljedeće studijske programe:

- **I ciklus studija**
  - a) **Filozofski fakultet:** Njemački jezik i književnost i Njemački jezik i književnost i druga studijska grupa;
  - b) **Pedagoški fakultet:** Predškolski odgoj i Kultura življenja i tehnički odgoj
  - c) **Prirodno-matematički fakultet:** Fizika, Fizika u obrazovanju, Matematika – Nastavnički smjer, Matematika – Opći smjer, Matematika – Primjenjena matematika, Matematika i informatika – Nastavnički smjer.



- **II ciklus studija**

- a) **Filozofski fakultet:** Njemački jezik i književnost – Opći/Nastavnički smjer;
  - b) **Pedagoški fakultet:** Predškolski odgoj i Kultura življenja i tehnički odgoj;
  - c) **Prirodno-matematički fakultet:** Fizika, Fizika u obrazovanju, Matematika – Opći (Teorijski) smjer, Primjenjena matematika, Matematika – Nastavnički smjer.
- Molimo Vas da namove podatke dostavite u što kraćem roku.

S poštovanjem,

Prilog:

- Prijedlog Prijedlog mjera za oslobađanje troškova studiranja djece koja imaju status studenta na Univerzitetu u Sarajevu, a koja dolaze iz porodica s troje ili više djece, broj: 037/23 od 24.5.2023. godine

**MINISTAR**



*Pavle Krstić*

Dostaviti:

- Naslovu;
- a/a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-029  
Web: <http://mon.ks.gov.ba>, E-mail: [info@mon.ks.gov.ba](mailto:info@mon.ks.gov.ba)

Datum: 24.05.2023.

Broj: 037/23

**PREDMET: Prijedlog mjera za oslobađanje troškova studiranja djece koja imaju status studenta na Univerzitetu u Sarajevu a koja dolaze iz porodica s troje ili više djece**

Imajući u vidu izražene negativne trendove depopulacije, velike potrebe za jačanjem pronatalitetne politike kao i izrazito smanjenje broja studenata na Univerzitetu u Sarajevu, obraćamo se prijedlogom mjera za olakšavanje studiranja djece iz višečlanih porodica.

Porodice s troje ili više djece predstavljaju okosnicu društvenog razvoja i jedini su dogoročan garant opstanka našega društva. Nažalost njihove umnožene finansijske i logističke potrebe u FBiH nisu sistemski prepoznate, što ih dovodi na rub siromaštva i socijalnu izoliranost. Smatramo da su nam ciljevi po pitanju podrške ovim porodicama isti, kao i želja da se doprinese očuvanju broja studenata na Univerzitetu u Sarajevu.

Odluka koju je usvojila Vlada Kantona Sarajevo za akademsku godinu 2022/23.g. uzimala je u obzir treće dijete iz ovih porodica, tako obuhvativši samo 36 studenata koji su ostvarili benefite. S obzirom na to da je Odluka važila za jednu akademsku godinu, predlažemo njeno ponovno usvajanje ali i proširenje benefita na svu djecu iz ovih porodica koja studiraju, kako bi im pružili priliku za studiranjem ali i doprinieli masovnijem upisu djece na Univerzitetu u Sarajevu.

U skladu toga predlažemo:

1. Donijeti Odluku za oslobađanje troškova školarine studenata iz porodica s troje ili više djece. Odlukom osim trećeg djeteta obuhvatiti i prvo dvoje djece koja studiraju da se oslobode dijela plaćanja školarine : za prvo dijete 20%, za drugo dijete 40% , treće i svako sljedeće besplatno.
2. Prilikom donošenja benefita uzeti u obzir djecu iz ovih porodica koja su uspješno završila studiranje na Univerzitetu u Sarajevu.
3. Usvojene mjere učiniti trajno važećim za naredne akademske godine.

Zbog važnosti podrške ovim porodicama kao i skorim početkom upisa za novu akademsku godinu, nadamo se blagovremenoj podršci.

S poštovanjem,



Predsjednik Udruženja  
Mustafa Vlahović